

範氏族譜

范氏族譜

重修族譜述畧

竊思水有源木有本源遠者流自長本深者枝必茂地皆造化生長自然之理也惟祖之開其源亦無不然矣按我始祖諱和字立賢號君

儒公登進士第原居蘇州坑塘後遷古鋪西隅坑塘君儒公之曾孫

諱泰安公斯爲龍安之鼻祖因携眷避難旋至龍安望見山環水繞可以爲吾子孫綿遠之地仍名曰坑塘所以不忘其源也泰安公之

子諱如益公生子有二長萬一公因祖居虧長移居栗木忠州槐

木忠前各處固清明屋後醮祭斯亦不失其源也我祖諱萬二公生

子有四長會郎公三英郎公四拾郎公俱各遷別處惟我祖行

二諱回郎公獨居坑塘綿綿延延人文尉起繩繩繼繼苗裔日繁猶

幹中之一枝源中之一派耳於道光甲申歲我族諸公思念譜牒失傳

已久難以分尊卑之情別親疎之義當時僉議譜事御榮伯祖爲己

在雖舊譜牒失傳幸有遺稿尙存族伯叔祖卽將遺稿並採訪舊跡纂
修成譜自有尊卑之分親疏之別庶不至舛踰尊疏踰戚者矣是歲戊
子春我族人等復思譜牒六十餘年未修誠恐後日遺佚越數代親者
疏矣疎者遠矣此事又爲吾族之急務不已合族商議從先譜牒鮮明
不漏以免重修於是請師接修其事今餘慶譜牒或有名字失落或有
生歿忘計人所共見共聞各人相共採訪以付董首毋使纖毫遺漏如
璧合珠聯脉落絲貫皆是仁人孝子尊祖敬宗之心溯水源木本之義
故曰源遠者流自長本深者枝必茂非此之謂歟予承長者命不已聊
書數語必使後之人而知其源本是爲序

光緒十四年戊子歲仲夏月吉旦

廿六代裔孫國學生應齡謹述

記世治亂雜序

自記明末清初順治帝主歷位至 康熙 雍正年間堯天舜日 乾

隆元二三年虎亂人傷傳至 道光十二年風調雨順國泰民安十三

年虫食禾苗十四年甲午歲饑饉薦臻數處米糧缺糶每斗八百有餘

至廿八九年時和歲穩物阜民康三十年間西寇從山西山東存寇畜

馬意欲爭佔朝岡國號天朝太平以爲主交 咸豐二三年一路亂至

南京以安民至七年從南京過南豐至邵武泰邑城中匝營數月四門

出示達知數鄉備物進貢自無殘害龍安不已脩物去進以免受累後

往開顯將邑遠處八年戊午歲三月日龍安市中忽聞歸邑溫庄各鄉

朝拜豐山 歐陽祖師習學神兵而能把止西寇五月日龍安亦去朝

拜 歐陽祖師與龍興巖 古佛禪師台前習學神兵用費無數自八

月初四日西寇數萬從歸邑龍坑滕嶺隘入境神兵鄉勇缺少反將神

兵殺傷凡人我族人等與窠內坊有些人避白崖寨其他坊人避別寨者有之避山者亦有之惟避山者家物罄盡人有挈去無處可藏初七破寨一日各家勤心齋戒兩傍隘上安奉神位又石頭大銃幾個不肯放下西寇亦不敢進蒙 神天救之不能破開寨人驚惶如臨深淵始履薄冰初八日 陳賊頭即使挈去栗木坊 逢春來寨下傳言託貢免燒房屋初九日不已備物進貢初十早即退出官常口一路其庵廟神像祠宇牌位盡燬惟龍興嚴 古佛禪師與村房屋俱存至廿一日早仍回龍安原路轉歸化遠處後九十月下寨人口不安死人無數皆因受暑濕之弊以後 同治三年甲子歲四月初四日西寇又從將邑洋源焦溪過行嶺頭入境各坊人等俱以先搬上寨至初七日退出善溪而往遠省別處自後平治天下民無擾亂之憂而又虎出世間畜有遭傷之患至於癸酉年二月廿六夜祖堂被火焚燬未知何因 光緒

二年丙子歲五月忽長洪水合村橋陂并秋積陂石埂俱已冲破毀田
成坑成州本年冬各樣俱成丁丑年四月復長洪水各橋陂石埂仍舊
冲破米價每斗大錢五百有餘小錢壹千文正八年壬午歲予不得已
倡首商議建造祖屋各房折酬并照家丁歛錢相帮取壬午年庚戌月
壬午日壬寅時扶柱上樑仍作坤艮兼未丑天井仍舊大門簷修進一
尺二寸左右兩植欄房基址衆讓出以爲廳面每欄衆出錢四百文後
人尋出欄契免得疑惑感至於下水裝修用費我祖諱 從成公以成其
美其餘諸事難以悉載今日修之於譜後人覽之瞭焉是爲序
自後若有反亂之事右邊小隘宜把下棟子上婦女小子糧食等項宜
先搬上寨謹記

光緒十四年戊子歲季夏吉旦

國學生應齡述

恭題

大監元 迪昌尊嫜伯祖范老先生大人贊

公何如人哉 公非山川之靈秀此由而誕生者哉想生前黜華靡敦
倫常古心古貌豈非似葛天氏之人歟自脫農桑肅冠帶雍宮著譽邇
亦風雅中之士也維時兄弟二人怡怡一堂善繼善述承先志於前代
肯堂肯構啟鴻圖於後昆夫且廣置田產匪惟樂積倉於一己而且濟
困苦於鄉鄰宜其子孫繁衍寢熾寢昌厥孫 應齡篤志詩書成均入
選衣冠濟楚世世相承是誠梧崗之煥彩墨帳之增榮者矣 耀也誼
屬內姪孫恭承 尊命因不鄙襪線微才用是乎書

愚內姪孫郡庠生張日耀頓首拜撰

恭題

大德望 迪且尊姑祖范老大人像贊

君峯高而秀龍溪灣且長誕降碩人如圭如璋古心古貌不類尋常壽

上古稀身猶剛強蘭馨桂馥寢熾寢昌 公雖已歿令聞令望

愚內姪孫郡庠生張日耀頓首拜撰

恭題

貴華大哥 尊像

君峰降神龍溪遶抱中有宗型心臧爲寶不作風波胡貽怒擣絳縣年
逾賓筵旅考德有遐芳 侯宣治扁句善頌善禱冠帶膺榮班爛娛老
形神渾全福綏天保丹青豈誣照人古道兄年七十有五 詔舉鄉飲
耆賓題像並誌厥喜

族愚弟恩貢常耀頤首拜譔

恭題

迪滋尊叔大人遺像

叔何如人哉沐君峯之秀氣分雲山之精英遡其生平古心古貌不剛
不柔全太璞黜聲華慎乃儉德惟懷永圖用能光大前烈恢宏先緒是
所謂生有令望已後 誥封六品給扁 州司馬豈非沒有榮施者也
以迄於今音容雖杳大壽未躋而麟趾呈祥室家相慶要皆 公之流
澤孔長焉耳

族愚姪郡庠生顯謨拜撰

恭題

大登仕 肇玲尊姑丈范老先生大人傳贊

翁何如人也此乃由困而亨由勞而逸者也憶昔耕鑿自適禮義待人而積銖累寸勤儉以致其饒裕構創而高其成規於是年高德邵 例授九品邛亦屬分內之事耳此非由困而亨由勞而逸者歟

愚內姪郡庠生葉光榮頓首拜撰

恭題

大登仕 肇杰尊嫜伯祖范老先生大人傳贊

翁貌古心忠忘勢利守謙冲坐憑先業畜積時豐禮義接於物類勤儉持守其躬 例授九品之銜壽符白雪之翁訓桂子以射策標名督蘭孫而耕讀自崇 翁公若此宜乎克昌厥後穀貽不替耳

姻晚郡庠生葉光榮頓首拜撰

恭題

大貢元 肇標尊嫜祖范老先生大人傳贊

翁諱 肇標字高枝乃 迪滋公之第三子也自知立志成家克守先業所以躋壯盛而復置田畝創新居廣交遊忘勢利廉隅自惕品行端嚴矧祖屋鼎新倡首爲先亦不辭厥肩任迨至 例貢揚名年將杖國則善居爾室而視世之趨勢利者不亦超然遠乎宜乎桂馥蘭馨寢昌寢熾也矣

嫜晚郡庠生葉光榮頓首拜撰

恭題

大耋賓范府 根翁尊表叔大人傳

公諱 肇根 兄弟二人德君其長也地近余村相隔五里其生

平之行誥弗惟得諸耳聞實目覩焉蓋以渾金璞玉之質有懷仁慕
義之心純孝以事高堂友恭而敦同氣恂乚自守言行交謹凡有善

舉靡不樂從此其善之見於家庭者一也戴堯天沐舜日耕鑿是務

永符儉德之風課晴問雨每思稼穡之艱難披星戴月恒知早夜之

勤苦敦厚周慎爲族里推崇者數十餘年此善之見於素行者二也

至若家室攸宜眉齊案舉允推桂馥蘭馨之秀克嗣恕堂之芳且年

躋古稀以考終命此天之報施善人昭然不爽者三也請歷歷誌之

古所謂三不朽者 公亦何多讓焉余以忝附葭末愧無凌雲筆爲

發潛德之光茲值 貴族創修家乘敬弁數言載於牒內以識不忘

云

愚表姪郡庠生張拱辰拜譔

恭題

大登仕 迪寶尊叔祖大人贊

叔祖懋德有遐芳勁節孤高品無雙克紹端木遺風度蘭桂廳香寢
熾昌處善循規何多讓上國觀光寵龍章創守兩盡爰居處敢云嘖
鳳在梧岡

愚姪孫蓮池凌雲拜述

恭題

大三元 步雲尊嫜叔范老先生大人讚

氣昂心靜貌古德新持己若水節物以仁急公好義去僞存真囊
壺充足博施濟貧武畧素具文智兼純鵬程九萬壯志克伸芝蘭
俊秀橋梓縉紳無慚梧岡之令嗣是誠龍溪之高入

嫺晚郡庠生張萬青拜贈

恭題

大京元 范府 應齡尊表叔老先生大人傳贊

聞之行立者其名彰如 先生之芳規足式令聞施身是誠懿行成立
之人也綜其全量岐嶷成性能篤志於詩書智睿稟姿克留心夫術藝
溫和著夫當境恭敬見於居恒夔乇之忱盡夫天親之際怡乇之誼散
諸孔懷之間出遊於族不減雍雍氣象洽比其鄰自昭藹乇威儀法伯
玉之涉世效滅明之持躬篤結納有久敬之意設絳帳有善誘之風才
超士侶品邁凡庸芳名標榮史休聲蜚雍宮而且佐家政兢兢業業勗
嗣君肅肅嚴嚴能創能守恢先緒堪著象賢之美課讀課耕撫比兒能
昭慈愛之賢舉凡成梁平道莫不積善樂施鉅事細務無不瓦解冰消
憐恤爲恒懷急迫有相周之義尊祖本素念家書有維新之功禮制心
以義制事性本恕而情本忠有此懿德預卜陵岡優游爾休純嘏爾常